



Petrus apud Sueuos bonis & honestis parentibus natus est, in ciuitate amœnissima Imperij Rauenspurgo. Is apud suos in omni genere uirtutū educatus, in præclarum patriæ ciuem euasit. Inerat enim ei uitæ integritas. rerum peritiâ, & singularis faciendia. Itaq; primò in senatum cooptatus, atq; postea etiam cõmunibus totius ciuitatis suffragijs cõsul electus & designatus est. Hanc functionem Petrus magna animi moderatiõe suscepit, et in primis ob pietatis in Deum & patriæ amorem Euangeliũ Christi intellexit, promouit, & ut in ea repub. conseruaretur, præcipuus author fuit. Cum autem post bellum Germanicũ noua religionis forma, quam

Interim dixere, in Augustanis cõmitijs 1548 statibus Imperij proponeret, atq; Petrus sua conscientia persuasus, in cognita religione pergeret, ipse cum suæ religionis senatoribus à Cæsareis legatis officio mouetur. Eam contumeliam Petrus æquo animo Christi nomine tulit, atq; cœpta sententiã perseuerans priuatus uiuere uoluit.